



江蘇省地方志編纂委員會辦公室編

江蘇歷代方志全書

59



江蘇省地方志編纂委員會辦公室編

 鳳凰出版社

江蘇歷代方志全書

—
(59)

蘇州府部

ISBN 978-7-5506-2317-0



9 787550 623170 >

圖書在版編目（C I P）數據

江蘇歷代方志全書. 蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書 名 江蘇歷代方志全書·蘇州府部
編 者 江蘇省地方志編纂委員會辦公室
責 任 編 輯 王 劍 王愛榮 吳 瓊 顧 娟 崔廣洲
裝 幀 設 計 姜 嵩
出 版 發 行 鳳凰出版傳媒股份有限公司
鳳凰出版社(原江蘇古籍出版社)
發行部電話 025-83223462
出版社地址 南京市中央路165號, 郵編: 210009
出版社網址 <http://www.fhcbs.com>
印 刷 揚州文津閣古籍印務有限公司
揚州市開發區鴻揚路22-2號(6幢), 郵編: 211153
開 本 889×1194 毫米 1/16
印 張 3253. 25
版 次 2016年7月第1版 2016年7月第1次印刷
標 準 書 號 ISBN 978-7-5506-2317-0
定 價 79200. 00 圓(全九十九冊)
(本書凡印裝錯誤可向承印廠調換, 電話: 0514-87969255)

崇禎常熟縣志（四）

（明）龔立本纂



第五十九冊目錄

崇禎常熟縣志（四）

.....

〇〇一

常熟縣志卷之九

邑人龔立本編次

列傳

儒林

宋 陳元大字孔碩號北山福之侯官人樞密直學士襄五世孫任温州儒學教授宋末遊常熟愛其風俗山水遂居焉精於理學所著四書講義五經性理大全等書行於世人稱為北山先生子后山

克紹家學仲子仲昇忼慨立節孫伯琬伯珪別見
其九世孫曰播字舜田德容之子也播初選慈谿
縣教諭談說經義諸生俱愛敬之邑人褚公圻時
為寧波郡守素與公善而公自旅見外絕不私謁
內艱歸服除赴京卒於魚臺動止有經學者稱為
靜誠先生以子逅貴贈按察司僉事又有子曰遇
遇生官官字舜卿砥行力學以歲貢拜青田縣訓
導其後復任青田教諭推誠化導士風丕變其邑

令倚為典刑島夷入寇官率諸生與令分城守禦
邑賴以安擢太治知縣以病解歸蕭然寒素又有
陳暘者字景暘亦北山先生玄孫也門人章孟端
極崇重之

國朝 陳九疇字公範弱冠即有志於性命之學比
壯學益博讀周子通書疑無倫次定為九篇二有
解又著求仁至言東南水利策旁通象緯方伎之
學嘗與錢承德泊吳門亟命移舟有頃火發他舟

多延藝性度坦夷不涉散利自號悅庵居士第九
詔在耆舊傳

錢甦字更生初諱沂字伯與居邑之罟里村甦剛介
簡直文以理勝名德俱敬憚之初與豪右朱原善
有郤被誣繫獄當洪武四年御鞠午門甦得昭雪
尋奉口詔俾所過郡縣宣諭 天子更化之旨此
四月三日也 帝憐其夜行賜宿儀鸞司初五日
發自南都十五日抵本縣宣揚 聖天子威德居

無幾原善偕督賦後期結恤民周子能老吏羅祥
卿等文致甦如前會甦子迪赴臺伸訴慷慨請代
復得歸休九年代甥虞某提調糧長事汲忤衆意
十年八月星變陳言請辨華夷均田產慎刑罰尚
廉耻復古學造人才上嘉納之又上竇封三事勅
辦事中書省明年六月元幼主卒上命禮部會
撰祭文弗愜甦擬三百餘言皇帝謹遣某官致祭于元幼主之室曰嗚呼天父地母而人生其間天地之氣有偏正故人之生有華夷而尊卑貴賤分焉自古華為天下主
三

而四夷服從亦猶家之有長而子弟順化也帝王
 之心豁然大公以宇宙之內為一
 身而一視同仁者良以此也歷代以來夷土有
 識者莫不奉正朔求冊命于中國以保其疆欽
 諸典籍昭然可徵有宋中葉于地運否自徽欽
 競以至南渡之後日以陵替于是幼主之先勃興
 朔漢芟夷種類克取金元遂兼宋以御中夏幾不
 百載斯民實蒙惠焉然天地之經華夷之義終不
 可泯也繇是脫其啣轡海內闡爭餘年間羣兇蕩
 命朕起自布衣撥亂反正十餘年反故國華夷
 遂移師北指幼主豈人子承天命及哉繇此而論
 各得其所呼(鳴)是吾中國之力固有所能及哉
 則朕之得蓋彼(吾)固無愧于幼主之失乃棄其
 朔漢所本無耳朕固遠人愧以盡一主幼主亦將
 于朕哉朕方欲撫寧遠人悼不視已因遣奠孰
 謂幼主遽爾捐立聞之感悼不能自視已因遣奠孰

布朕衷惟
聖鑒之

六月二十日奏上

帝置諸袖中特詔

用之名見曰錢甦比者安在對曰臣校簿後湖

上悟曰宰相憾爾耶先是甦詣中書長揖不拜謂

未拜天子而先拜丞相於禮不合其不阿權勢類

此 上累欲官之輒以疾辭年六十終於家甦學

識淹博其河圖咏云一二三四各方列六七八九

外與俱五象夾十同中居或實或虛符洛書嘗推

本太極二五多所發明著述湮佚存稿僅三卷甦

四

之父希祖元季教諭玉山子之著者曰廸曰中得
曰流謙中得者鳴謙字也嘗因兄志方誣繫力訴
出之賢而有文流謙字有終才行矯々二人年俱
不永中得生完宣完即續吳錄所稱好禮者也完
子曰昆舉于鄉曰昌字允言以子承德貴封監察
御史詞翰亦知名承德官御史守法不阿宣子曰
所封父監察御史至水部郎仁夫則公玄孫矣吳
文恪公贊公象云學端而專志高而毅陋辭章而

不居貌豪強而弗避斯寔吾鄉前輩之偉人視今
之小黠大癡蠅營勢利者豈可同日而語也耶按文
恪序謙齋存稿同時若傅則明吳廷彥陳伯麟陸
子善衛伯京鄧仲琚王守道林逢吉皆耆碩也而
半不可考

張信字孟孚少負奇氣弱冠有明經譽未幾舉鄉試
赴銓授建寧府學教授學矩修飭士遵其教是時
用人不次陞國子司業國學師長必以才望豈容
躡處辭不拜乃授國子助教久之陞翰林簡討著

五

作為同列所推名能舉職宅心誠慤人信服之以
疾卒於官

周木字近仁自少有志理學舉進士授南京行人司
左司副是時王端毅公掌南院屬意於公其後秉
鉉遂奏用公為稽勲司郎中與修本部 憲宗實
錄有白金文綺之賜會 懿祖祧祭公奏言祧祭
與嘗祭不同良多而樂少乞是日免朝庶精白一
心以供祀事再被命冊封岷王災異詔求直言公

謂今天下極弊莫苦於賦役請勅各部及撫按官
條出大小賦役逐一因革廢置疏上報聞禮部灾
下尚書耿裕等於獄公復疏救遷浙江右叅政理
戎籍稽隱漏辨枉抑留心風教創道南書院脩岳
武穆墓岳祠秦檜夫婦鉄像公所設也致仕居家
冠婚喪祭悉按古禮所著易心逸說近思錄延平
問荅素問畧諸書言理學者必稱焉公之子炯少
則偏誦五經嘗撰萬言書言國家大計公抑止之



不果上筮仕工部遷雲南右叅議麗江軍民府為
羈縻郡巡按御史張璞屬烱諭下之十八寨久弗
靖邊臣議用兵烱持不可遷右叅政剷除姦弊甚
多外難歸服除補原官終山西左布政使又有周
懋者舉進士除定海令蒞政期年病卒定海人至
今追悼之

丁奉字獻之號南湖少孤力學舉進士適有朝議新
進者簡試御史吏部首以奉應選奉以養母懇乞